

BOSNA I HERCEGOVINA
FEDERACIJA BOSNE I HERCEGOVINE
JAVNO PREDUZEĆE
NACIONALNI PARK „UNA“ d.o.o.
Broj: 01-1000/24
Bihać, 30.04.2024.godine

Na osnovu člana 70. stav 1., 3. i 6., a u vezi sa članom 64. stav (1) tačka b Zakona o javnim nabavkama („Službeni glasnik BiH“, broj: 39/14 i 59/22) i preporuke Komisije date u Zapisniku o pregledu i ocjeni ponuda broj: 01-0989/24 od 29.04.2024.godine, Ugovorni organ – v.d. direktor JP Nacionalni park „Una“ d.o.o. Bihać *donosi*

ODLUKU

o

izboru najpovoljnijeg ponuđača

I

Prihvata se Preporuka Komisije za javne nabavke data u Zapisniku o pregledu i ocjeni ponuda broj: 01-0989/24 od 29.04.2024.godine te se **ugovor o nabavci usluga izrade ribarstveno – gospodarske osnove za vodotoke na području Nacionalnog parka „Una“**, dodjeljuje ponuđaču **Univerzitet u Sarajevu Prirodno–matematički fakultet** za ponudenu cijenu u iznosu od **6.000,00 KM– bez PDV-a**, prema Ponudi broj: 01-0962/24 predanoj dana 25.04.2024.godine u 11:03 sati.

II

Ugovor o nabavci roba dostavit će se na potpis izabranom ponuđaču iz tačke I ove Odluke, u roku od 10 dana od dana obavještanja učesnika postupka o izboru najpovoljnijeg ponuđača.

III

Ova odluka će se dostaviti ponuđačima koji su učestvovali u postupku javne nabavke te objaviti na web stranici JP Nacionalni park „Una“ d.o.o. Bihać (www.npuna.ba).

Obrazloženje:

Komisija za nabavku je postupajući po datim ovlaštenjima, na otvorenom sastanku na kojem je izvršeno javno otvaranje ponuda, održanom dana 26.04.2024.godine u 12,00 sati, konstatovala da su do krajnjeg datuma za predaju ponuda, 26.04.2024.godine do 11,30 sati, blagovremeno pristigle ponude slijedećih ponuđača:

- 1. Univerzitet u Sarajevu „Poljoprivredno–prehrambeni fakultet“** (Ponuda broj: 01-0827/24 predana dana 05.04.2024.godine u 14:22 sati)
- 2. Univerzitet u Sarajevu „Prirodno–matematički fakultet“** (Ponuda broj: 01-0962/24 predana dana 25.04.2024.godine u 11:03 sati)

Na zatvorenom sastanku koji je održan istog dana 26.04.2024.godine, Komisija je analizirajući priloženu dokumentaciju te provjerom njenog suštinskog sadržaja i validnosti, utvrdila da je ponuđač **Univerzitet u Sarajevu „Prirodno–matematički fakultet“** kvalificiran i da sadržaj ponude i način pripreme ponude navedenog ponuđača odgovara svim uvjetima definiranim Tenderskom dokumentacijom broj: 01-0755/24 od 29.03.2024.godine i Izmjenom tenderske dokumentacije broj: 01-0905/24 od 18.04.2024.godine.

Ponudač Univerzitet u Sarajevu Poljoprivredno–prehrambeni fakultet nije kvalificiran iz sljedećeg razloga:

Dana 18.04.2024.godine Ugovorni organ–JP Nacionalni park „Una“ d.o.o. Bihać je izvršio izmjene tenderske dokumentacije broj: 01-0755/24 od 29.03.2024.godine i iste su objavljene na Portalu javnih nabavki.

Navedenim izmjenama tačka **3.4. TEHNIČKA I PROFESIONALNA SPOSOBNOST** tenderske dokumentacije je izmijenjena u pogledu minimalnih uslova koje ponuđači trebaju ispuniti da bi bili kvalificirani, pa tako stoji da ponuđač treba imati na raspolaganju (**bilo unutar strukture zaposlenih ili angažiranih po drugom osnovu**) tokom trajanja izvršenja usluga, sljedeće osobe potrebnih obrazovnih i stručnih kvalifikacija:

Ekspert 1 – minimalno 2 izvršioca, najmanje završena visoka stručna sprema II ciklusa studija iz oblasti biologije, sa radnim iskustvom od minimum 5 (pet) godina na poslovima ihtioloških istraživanja na površinskim vodama i učešće u minimalno 2 (dva) projekta sa tematikom ihtioloških istraživanja;

Ekspert 2 – 1 izvršilac, najmanje završena visoka stručna sprema II ciklusa studija iz oblasti biologije, sa radnim iskustvom od minimum 5 (pet) godina na poslovima istraživanja makroinvertebrata vodenih ekosistema i učešćem u minimalno 2 (dva) projekta sa tematikom istraživanja makroinvertebrata vodenih ekosistema;

Ekspert 3 – 1 izvršilac, najmanje završena visoka stručna sprema II ciklusa studija iz oblasti biologije, sa radnim iskustvom od minimum 5 (pet) godina na poslovima botaničkih istraživanja vodenih ekosistema i učešćem u minimalno 2 (dva) projekta sa tematikom botaničkih istraživanja vodenih ekosistema;

Ekspert 4 – 1 izvršilac, najmanje završena visoka stručna sprema II ciklusa studija iz oblasti fizičke geografije, sa radnim iskustvom od minimum 5 (pet) godina na poslovima fizičko geografskih istraživanja i učešćem u minimalno 2 (dva) projekta;

a što se dokazuje dostavljanjem dokaza koje su ponuđači dužni dostaviti u svojoj ponudi i to:

- CV / životopisi za osoblje koje se planira angažirati na izvršenju usluga, iz kojih je vidljivo traženo radno iskustvo i učešće u projektima sa temom izrade ribarske osnove ili revizije ribarske osnove;
- Kopije (obične) diploma za osoblje koje se planira angažirati na izvršenju predmetnih usluga.

Također je **određeno da minimalan broj ključnog osoblja za realizaciju posla** koji je predmet ove javne nabavke **iznosi 5 (pet) osoba** naprijed pobrojanih obrazovnih i stručnih kvalifikacija.

Obzirom da ponuđač **Univerzitet u Sarajevu Poljoprivredno – prehrambeni fakultet** u svojoj ponudi nije dostavio tražene dokaze u pogledu ispunjavanja minimalnih uslova za kvalifikaciju u smislu člana 50. Zakona o javnim nabavkama, Komisija za nabavku je ponudu ponuđača **Univerzitet u Sarajevu Poljoprivredno–prehrambeni fakultet ocijenila neprihvatljivom.**

Nakon toga Komisija je utvrdila finansijsku vrijednost prihvatljive ponuda bez uračunatog PDV-a kako slijedi:

R/b	Ponudač:	Iznos ponude bez PDV-a (KM):	Popust	Iznos ponude sa popustom (KM):
01.	Univerzitet u Sarajevu „Prirodno-matematički fakultet“	6.000,00 KM–bez PDV-a	-	-

Kriterij za ocijenu ponuda kvalificiranih ponuđača koji je utvrđen tenderskom dokumentacijom je najniža cijena.

Nadalje, Komisija je konstatovala da vrijednost javne nabavke po procjeni ugovornog organa iznosi:

6.000,00 KM– bez PDV-a.

To su sredstava planirana Planom poslovanja sa Financijskim planom JP Nacionalni park „Una“ d.o.o. Bihać za 2024.godinu, Rashodi pod rednim brojem 1.2.15.


Cijeneći navedeno, Komisija za nabavku je utvrdila da se cijena kvalificiranog ponuđača **Univerzitet u Sarajevu „Prirodno–matematički fakultet“** nalazi u okvirima procijenjene vrijednosti javne nabavke.

Na osnovu svega gore navedenog i preporuke Komisije date u Zapisniku o pregledu i ocjeni ponuda broj: 01-0989/24 od 29.04.2024.godine, Ugovorni organ donosi ovu Odluku o izboru najpovoljnijeg ponuđača i **Ugovor o nabavci usluga izrade ribarstveno–gospodarske osnove za vodotoke na području Nacionalnog parka „Una“** dodjeljuje ponuđaču **Univerzitet u Sarajevu Prirodno–matematički fakultet** za ponuđenu cijenu u iznosu od **6.000,00 KM– bez PDV-a.**

Iz navedenih razloga, primjenom člana 64. stava 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Ugovornom organu u pisanoj formi direktno, elektronskim putem ili preporučenom poštanskom pošiljkom, najkasnije u roku od 5 (pet) dana od dana prijema ove Odluke.

v.d. Direktor

 Amarildo Mulić

Dostaviti:

1. Univerzitet u Sarajevu Prirodno–matematički fakultet
ul. Zmaja od Bosne 33-35, 71 000 Sarajevo;
2. Univerzitet u Sarajevu Poljoprivredno–prehrambeni fakultet
ul. Zmaja od Bosne 8, 71 000 Sarajevo;
3. U spis;
4. a/a.